


Фаришталар Аллоҳнинг аскарлариидир



17:06 / 27.10.2018 21443

Мусулмон киши борлиқдаги мавжудотларга нисбатан ўзига хос ақийдага эга бўлиши керак. Улардан энг муҳимлари тўрт нарсадан иборатдир:

- 1. Инсон.**
- 2. Фаришта.**
- 3. Жин.**
- 4. Борлиқдаги сабабият қонуни.**

Энди уларни батафсил ўрганиб чиқайлик.

Инсон.

Мусулмон одам инсонга оид бир неча ҳақиқатларга эътиқод қилиши лозим. Аллоҳ таоло Исро сурасида қуидагича марҳамат қилади:

وَرَزَقْنَاهُمْ وَالْبَحْرِ الْبَرِّ فِي وَهَمَنَتْهُمْ إِدَمْ بَنَى كَرْمَنَا وَلَقَدْ

خَلَقْنَا مِمْنَ كَثِيرٍ عَلَى وَفَضَلْنَاهُمُ الْطَّيِّبَاتِ مِنْ

٧٠ تَفْضِيلًا

«Батаҳқиқ, Биз Бану Одамни азизу мұкаррам қилиб қүйдик ва уларни қуруқлигу дengizda (олов-ла) күттардик ҳамда уларни пок нарсалардан ризқлантирилдик ва уларни Ўзимиз яратған күп нарсалардан мутлақо афзал қилиб қүйдик» (70-оят).

Инсон дастлаб тупроқдан яратилған, сүңг биринчи одамдан тарқалған.

Мүмин-мусулмон одам дастлабки инсон – Одам алайхиссалом тупроқдан яратилганига ва у билан унинг жуфтидан бошқа одамлар тарқалганига жазм ила иймон келтирмоғи шарт.

Инсон аввал бошдан энг батамом күриниш ва энг гүзал тузилиш ила яратилгандир.

Бу Қуръони каримдаги собит ҳақиқатлардан биридир. Ушбу ҳақиқатта ҳам ҳар бир мүмин-мусулмон жазм ила эътиқод қымлоғи вожибдир. Буни ҳозирги замон илми ҳам очиқ-ойдин тасдиқламоқда. Охирги асрларда пайдо бўлган «Инсон тадрижий тараққиёт натижасида инсонга айлангандир» деган фалсафа эса бир хаёлпараст аҳмоқнинг хаёлига келиб қолган фараздан ўзга нарса эмас.

Фаришталар.

Фаришталарга ишониш иймоннинг арконларидан бўлиб, инсон уларга иймон келтиргунча мўмин бўлмайди.

Аллоҳнинг фаришталариға иймон келтириш уларнинг борлигига иймон келтириш билан тугал бўлмайди. Фаришталарга тугал иймон Аллоҳ таоло ва пайғамбар соллаллоҳу алайҳи васаллам айтганларидек бўлиши керак. Уларнинг васфлариға, хизматлариға ва хусусиятлариға иймон келтириш лозим.

Фаришталарнинг сифатлари.

Аллоҳ таоло Қуръони каримда фаришталарнинг сифатлари ҳақида бир қанча оятлар нозил қилган. Пайғамбар соллаллоҳу алайҳи васаллам ҳам ўз ҳадиси шарифларида фаришталар ҳақида сиз билан бизга керакли маълумотларни берганлар. Биз ана шу сифатларга иймон келтиromoғимиз керак.

Қуръони карим ва суннати мутоҳҳара фаришталарнинг бир неча синфларини баён қилган. Фаришталар махлуқотларнинг бир қанча турлариға вакил қилинганлар. Аллоҳ таоло тоғларга бир турли фаришталарни, булутларга бошқа бир турини, шунингдек, ёмғирга яна бир тоифасини вакил қилган. Бачадонга муваккал қилинган фаришталарга эса нутфа ишининг тадбирини қилиб, бу ишни у то одам бўлгунича олиб бориш топширилган. Ҳар бир бандага ҳам бир нечта фаришталар вакил қилинган бўлиб, уларнинг маълум бирлари уни ҳар хил оғатлардан муҳофаза қилиб юрса, бошқалари эса унинг сўз ва ишларини ҳисоблаб, ёзиб борадилар. Жон олишга, шунингдек, қабрда савол-жавоб қилишга ҳам муайян фаришталар вакил қилинган. Фалакларга, қуёшга, ойга, жаннатга, дўзахга алоҳида-алоҳида фаришталар вакил қилинган. Фаришталар Аллоҳнинг борлиқдаги энг улуғ аскарларидир.

Фаришталарнинг бошлиқлари учтадир. Жаброил, Микоил ва Исрофил, улар ҳаётга вакил қилинганлар. Жаброил алайҳиссалом қалблар ва руҳлар ҳаёти бўлмиш ваҳийга вакилдир. Микоил алайҳиссалом ернинг ҳаёти бўлмиш ёмғирга вакилдир. Исрофил алайҳиссалом эса ўлимдан кейинги ҳаётга сабаб бўладиган сурни чалишга вакил қилингандир.

Улар Аллоҳнинг махлуқотларидағи ва ишларидаги расулларидир. Аллоҳ билан бандалари орасидаги элчиларидир. Ишни У Зотнинг ҳузуридан оламга олиб тушурлар. Ишларни У Зотга олиб чиқурлар.

Фаришталарнинг вазифалари.

Қуръони каримда фаришталарнинг баъзи вазифалари ҳақида маълумотлар келган. Биз учун бу масалада ояти карималар асосий манбадир. Келинг, ўша оятларда зикр қилинган вазифалардан баъзиларини санаб ўтайлик.

- 1.** Аллоҳ таолонинг каломи ва ҳукмини У Зотнинг бандаларига етказиш вазифаси.
- 2.** Аршни кўтариб туриш вазифаси.
- 3.** Жаннат ишлари ва жаннат аҳлининг хизматларини қилиш вазифаси.
- 4.** Дўзах ишларини қилиш ва унинг аҳлини жазолаш вазифаси.
- 5.** Одамларнинг ишларини кузатиб, амалларини ёзиб бориш вазифаси.
- 6.** Инсонни доимий равишда муҳофаза қилиб юриш вазифаси.
- 7.** Рұхларни қабз қилиш (жонларни олиш) вазифаси.

“Муқаммал саодат йўли” китобидан